

ZAKILIXUT

© Olariagak



Euskal selekzioa jokoan

■ Gipuzkoa izan da txapeladun Jubilatuta eta Pentsiodunen Hegoaldeko Olinpiadetan

MUNDIALAK puri-purian dauden sasoiak, Gasteizko ikastetxe nahiz eskoletako haur eta gaztetxo gehienak ikasturte amaierako partiduetan burubelarri ari direnean, Arabako, Bizkaiko, Gipuzkoako eta Nafarroako ehun bat jubilatuta eta pentsiodun Hegoaldeko Olinpiaden IX. ekitaldian aritu dira. Hain zuzen, euskal selekzioak hegan hasi nahi duen garai honetan. Herenegun hasi eta atzo eguerdian amaitu ziren, eta, aditu guztien ustetan, «maila on-ona» dute; beraz, euskal selekzioaren etorkizuna «ziurtatuta» dago. Gaur goizeko 11:00etan merezitako sariak jasoko dituzte Luis de Ajuria aretoan, eta, gero, tradizioak eskatu bezala, mezataria.

Ez Paris, ez Marseilla, ez Tolosa

(Gure) Munduko Txapelketa txiki honek hiru egoitza apal baino ez zituen behar izan: Mendizorrotxako frontoiak eskuko eta paletako partidua egiteko, Arana auzoko instalakuntzak mugimenduko jolasak hartzeko eta Las Cuatro Torres elkarte antolatzailearen lokalak mahaiko jolasetan aritzeko.

Orotara 15 kiroletako probak egin ziren, eta Gipuzkoa txapeladun sailkatu zen, urrezko sei domina lortu baitzituen: lehen postua egin zuen xakean, billarrean, botean, token, briskan eta eskoban. Bigarren postuan, berriz, hiruna urretara berdinduta, gainontzeko hiru herrialdeak: Nafarroak irabazi zuen musean, dametan eta paletan; Arabak seikoetan, igeletan eta petankan; Bizkaia, berriz, tutean, pilotan eta dominoan.

Joko Olinpiko berezi hauetako sofituenak, zalantzarik gabe, pilotariak izan ziren, aurtengo egunik beroena egokitu baitzitzaizen. «Ez pentsa, beroak piztu egin zituen», zioen Antonio Gonzalez Cabezero Arabako elkarte buruak. Arrazoiak dauka, sasoirik onena dute nak beraiek direla erakutsi baitzuten, batez ere pilotan garaile izan



Arabako, Bizkaiko,
Gipuzkoako eta
Nafarroako ehun bat
jubilatuta eta pentsiodun
aritu dira IX. Hegoaldeko
Olinpiadetan

ziren Aurelio Zarate eta Adolfo San Vicente bizkaitarrak eta paletan irabazi zuten Julio Tollar eta Jesus Olaberri nafarrak.

Eguzki basatiaren izpietatik urrun, berriz, musean maisu ibili ziren Domingo Herrero eta Rafael Maestro nafarrak.

Bestalde, petanka kanporaketek bildu zuten jende gehien. Aranako parkeko publikoak ez zuen huts egin, Arabak lortu zuen garaipena.

Lehiakortasuna gaur egungo gizaratearen ezaugarria da, eta txiki, heldu zein zaharregian dago. «Bixia da, baina hemen, jubilatuen arteko neurketak badira ere, nork berea irabazi nahi du». Gainera,

harrobia badagoela esan daiteke, urte batetik bestera belaunaldi berriak agertzen baitira. «Aurreko ekitaldian parte hartu ez duten jubilatuek aritzen dira ia beti», dio Gonzalez Cabezero, «eta horrek esan nahi du nolabaiteko harrobia dagoela, ezta?». Bai, badago, eta zorioneko euskal selekzioak lasai egon daitezke.

Baina dena ez da kirola bizitza honetan, futbol egun hauetan gezurra dirudien arren. Jubilatuek probak uste baino bizkorrago bukatu, ziztu bizian bazkaldu eta Arabako Errioxa ederrera egin zuten ospa. Biasteriko Ugarte bodega famatuak txoko guztiak bisitatu zituzten, batek baino gehiagok ardo goxoa dastatu zuen, eta, eguzkiak apur bat behera egitean, Gasteiz aldera itzuli ziren atzera. «Baldintza bat jarri digute: afaria gaueko zortzietan egitea», kontatu digute. «Eta ba al dakizue arrazoiak? Españak 2 Paraguaik O!», zioen batek. Azkenean kirola ez zen izan dena, baina gutxi falta.

Luis Karlos Garcia

GASTEIZ

Pentsiodun eta
jubilatuen
Hegoaldeko
Olinpiaden IX.
ekitaldia

JOSEBA
OLALDE

kasu!

► Oraindik bada ba jende ondradu askoa!

Askok esango dute hori Iruñeko taxi gidari batek egin duena entzunez gero. Hara: J.J.T.Z. izeneko gizonetakoak bi bezero hartu zituen asteazkenean autoan. Haiek eskatutako lekuan utzi ondoren, taxi gidaria jabetu zen leihatila irekita zegoela, eta handik paper batzuk ihes egin zietela bezeroei. Haiek jasotzera joan, eta ez zituen bada milioi bat pezetako balioa zuten txekak topatu! Hurrengo egunean guzti-guztiak entregatu zituen txeketan agertzen zen izen bereko enpresan. Han ez omen ziren konturatu ordura arte dirua galdu zutela.

► 'Los Cinco Bilbainos', Athletic-i kantuan

Ezin zitekeen bestela izan, Athleticen mendeurrena ospatzen ari garen honetan. Los Cinco Bilbainos taldeak zuri-gorriek eskaini die 50 kantuz osatutako azken lana. Hori bai: hainbeste kanturen artean ezin denak futbolari buruzkoak izan, eta hiru bildu dituzte mendeurrenarekin lotutakoak. Gainontzeko guztiak azken ehun urteetan Bilbori buruz egin diren abestiak dira.

► Arrainak horzka

Moslavina izeneko merkantzia-untzi batetik marinel errusiar bat lehorreratu behar izan zuten atzo goizaldean Pasaiako portuan, arrain arraro samar batek horzka egin ziola eta. Hain izan zen handia horzkada, larrialdietako zerbitzuei deitu eta ospitalera eramane behar izan zuten berehala. Atzo Donostiako ospitale probintzialean eman zuen eguna marinelak, zauria guztiz noiz osatuko zain.